



余于詩雅宗仰昌黎先生而論先生詩者或有以文  
為詩之誚至直斥為不工蓋其論始于陳后山自宋  
迄明更相附和而先生之詩幾為其文所掩而不能  
自伸余竊怪說者不深考其源流而妄為此呶呶也  
夫詩自李杜勃興而格律大變後人祖述各得其性  
之所近以自名家獨先生能盡啓祕鑰優入其域非  
餘子可及顧其筆力放恣橫從神奇變幻讀者不能  
窺究其所從來此異論所以繁興而不自知其非也  
余覃精既久欲奉其詩集單行于世以埽除異論而  
考諸箋注諸家或詳略失宜且多所舛誤夫考核之  
不審又烏從抉其用意所存而討論其源流不揣固

陋妄加校定更閱數歲至今春廼獲成書遂刻諸家  
塾以質諸世之君子時康熙三十有八年歲在己卯  
春三月上巳前一日長洲顧嗣立書于閭丘小圃之  
秀野艸堂

凡例

昌黎先生全集箋注家向傳有洪興祖年譜辨證樊  
汝霖譜注孫汝聽韓醇劉崧全解祝克音義蔡元定  
補注宋慶元間魏仲舉哀而集之名曰五百家注至  
寶慶三年王伯大留畊氏更定音釋一書集諸家之  
善參以方崧卿舉正增攷年譜及朱子校本考異刊  
于南劔官舍是書一出而魏注遂廢後復有某氏者  
仿朱子離騷集注例悉削去諸家姓氏彙輯羣說自  
為一書其所增益頗多即今所傳明季東雅堂徐氏  
翻刻本也翫其詞氣大約出自朱門弟子之手而其  
人不傳良可惋惜余是刻採擇諸家箋注復參以臆

見所得其時事則考諸新舊二唐書舊本存者約計十之四五云

公詩用事宏博然皆以經史傳注為主或旁採莊列荀揚諸子故凡釋典道藏稗官小說諸書概不敢誇多鬪靡闌入注中也

舊注所引有書可據則不復詳姓氏其或各抒新見闡揚詩意仍照留畊王氏刻本各注某云于上至東雅堂所見則用□云以別之

朱子考異一書辨證精確其有意義兩通者則每句下注曰一本作某字其顯然差謬者則注曰非是今全文仍遵考異而注一作某字于每字下其果非是

者竟為刪去

是集音釋向有新安張敦頤音辯留畊王氏為之增定最稱詳備但舊本注于每句下今依朱子詩傳例即注于每字下欲學者便于成誦爾

諸家舊注不無舛錯如薦士詩王伯大誤以貞元十一年為鄭餘慶尹河南日遊青龍寺詩云何人有酒身無事韓醇不知是用史記陳軫傳而引後漢書孔文舉語贈劉師服詩云虞翻十三比豈少遂自惋恨形于書方崧卿不知出自吳書而以吳志翻上書有臣年耳順髮白齒落之語為疑病中贈張十八詩云龍文百斛鼎孫汝聽不知出自班孟堅寶鼎詩而漫

三九十三  
引史記秦武王與孟說舉龍文之鼎此其譌謬更甚  
略舉一二可以例其餘也

隴西李漢編定公全集共四十卷首列詩集十卷得  
古詩二百一十首聯句十一首律詩一百六十首今  
序次悉仍其舊復採入外集詩五首遺詩十六首更  
于文集中如鄆州谿堂詩送張道士送鄭十校理送  
汴州監軍俱文珍石鼎聯句諸作合為一卷總附于  
後

公生平事略悉寓篇章今特參攷新舊唐書本傳增  
訂洪氏方氏年譜各為一卷列諸卷首讀者按其歲  
月稽其出處可也

舊注所載古今詩話皆足發明詩旨茲更採集宋元  
以來名公評語悉附于本詩之後其或議論不同則  
竊以臆見折衷之毋取曲意雷同也

近代名家如崑山顧炎武寧人長洲金居敬穀似俞  
瑒犀月諸公其遺書緒論有裨是集者皆為採入而  
晨夕商榷互相校勘則有吳廷楨山掄劉石齡介于  
汪份武曹汪鈞右衡張大受日容吳士玉荆山家兄  
嗣協迂客而郵筒往來助余不逮則德清胡渭拙明  
吳江吳兆宜顯令海寧查嗣璫德尹崑山徐昂發大  
臨與有力焉

### 舊唐書本傳

### 韓愈字退之昌黎人

新唐書鄧州南陽人朱熹考異云李白作韓文公父仲卿去思碑云南陽人而公嘗自稱昌黎

李翱作公行狀亦云昌黎某人皇甫湜作墓志不言鄉里又作神道碑乃云上世嘗居南陽又隸延州之武陽而舊書亦但云昌黎某今按新書蓋因李碑而加鄧州二字也然考漢書地理志有兩南陽其一河內修武即左傳所謂晉啓南陽也其一南陽堵陽即荊州之南陽郡字與赭同在唐屬鄧州者也方崧卿增攷年譜云今孟懷州皆春秋南陽之地自漢至隋二州皆屬河內郡唐顯慶中始以孟州隸河南府建中中乃以河南之四縣入河陽三城使其後又改爲孟州今河內有河陽縣韓氏世居之故公每自言歸河陽省墳墓而女孥之銘亦曰歸骨于河南之河陽韓氏墓張籍祭公詩亦云舊塋盟津北則知公爲河內之南陽人詳此南陽之爲河內脩武無可疑而新書鄧州之誤斷可識矣  
父仲卿無名位新書七世祖茂  
安定王父仲卿爲武昌令有美政即去縣人刻石頌德終祕書郎  
愈生三歲而孤養於從父兄

新書愈生三歲而孤隨伯兄會貶官嶺表會卒嫂鄭鞠之  
愈自以孤子幼刻苦學儒不俟獎

勵新書愈自知讀書日記數千百言比長盡能通六經百家學大曆貞元之間文士多尚古

學效揚雄董仲舒之述作而獨孤及梁肅最稱淵奧

儒林推重愈從其徒游銳意鑽仰欲自振於一代洎舉進士投文於公卿間故相鄭餘慶頗為之延譽由是知名於時尋登進士第宰相董晉出鎮大梁辟為

巡官府除徐州張建封又請為其賓佐新書會董晉為宣武節度使表署觀

察推官晉卒愈從喪出不四日汴軍亂乃去依武寧節度使張建封辟府推官愈發言真率無所畏避操

行堅正拙於世務調授四門博士轉監察御史德宗

晚年政出多門宰相不專機務宮市之弊諫官論之

不聽愈嘗上章數千言極論之不聽怒貶為連州陽

山令量移江陵府掾曹新書改江陵法曹參軍元和初召為國子博

士遷都官員外郎新書元和初權知國子博士分司東都三歲為真改都官員外郎公神道碑除尚書都官郎中分司

判祠部時華州刺史閻濟美以公事停華陰令柳澗縣務

俾攝掾曹居數月濟美罷郡出居公館澗遂諷百姓

遮道索前年軍頓役直後刺史趙昌按得澗罪以聞

貶房州司馬愈因使過華知其事以為刺史相黨上

疏理澗留中不下詔監察御史李宗奭按驗得澗賊

狀再貶澗封溪尉以愈妄論復為國子博士愈自以

才高累被擯黜作進學解以自喻曰國子先生晨入

太學召諸生立館下誨之曰業精于勤荒于嬉行成

于思毀于隨方今聖賢相逢治具畢張拔去兇邪登

崇俊良占小善者率以錄名一藝者無不庸爬羅剔

抉刮垢磨光蓋有幸而獲選孰云多而不揚諸生業

患不能精無患有司之不明行患不能成無患有司

之不公言未既有笑于列者曰先生欺予哉弟子事先生于茲有年矣先生口不絕吟於六藝之文手不停披於百家之編記事者必提其要纂言者必鈎其玄貪多務得細大不捐燒膏油以繼晷常矻矻以窮年先生之業可謂勤矣舐排異端攘斥佛老補苴罅漏張皇幽眇尋墜緒之茫茫獨旁搜而遠紹障百川而東之迴狂瀾於既倒先生之於儒可謂有勞矣沈浸醲郁含英咀華作為文章其書滿架上規姚姒渾渾無涯周誥殷盤佶屈聱牙春秋謹嚴左氏浮誇易奇而法詩正而葩下迨莊騷太史所錄子雲相如同工異曲先生之於儒可謂閱其中而肆其外矣少始

知學勇於敢為長通於方左右具宜先生之於為人可謂成矣然而公不見信於人私不見助於友跋前躓後動輒得咎暫為御史遂竄南夷三為博士冗不見治命與仇謀其敗幾時冬煖而兒號寒年豐而妻啼饑頭童齒豁竟死何裨不知慮此而反教人為先生曰吁子來前夫大木為杗細木為桷榑櫨侏儒椳闌扂楔各得其宜施以成室者匠氏之工也玉札丹砂赤箭青芝牛溲馬勃敗鼓之皮俱收並蓄待用無遺者醫師之良也登明選公雜進巧拙紆餘為妍卓犖為傑校短量長唯器是適者宰相之方也昔者孟軻好辯孔道以明轅環天下卒老于行荀卿守正大

論是弘逃讒于楚廢死蘭陵是二儒者吐辭為經舉足為法絕類離倫優入聖域其遇于世何如也今先生學雖勤不繇其統言雖多不要其中文雖奇不濟其用行雖修不顯於眾猶且月費俸錢歲靡廩粟子不知耕婦不知織乘馬從徒安坐而食踵常塗之促促窺陳編以盜竊然而聖主不加誅宰臣不見斥此非其利哉動而得謗名亦隨之投閑置散乃分之宜若夫商財賄之有無計班資之崇庠忘量已之所稱指前人之瑕疵是所謂詰匠氏之不以杙為楹而訾鑿師以昌陽引年欲進其猪苓也執政覽其文而憐之以其有史才改比部郎中史館修撰踰歲轉考功

郎中知制誥拜中書舍人俄有不悅愈者撫其舊事言愈前左降為江陵掾曹荆南節度使裴均館之頗厚均子鶚凡鄙近者鶚還省父愈為序餞鶚仍呼其字此論喧於朝列坐是改太子右庶子

新書初憲宗將平蔡命御史中丞裴

度使諸軍按視及還具言賊可滅與宰相議不合愈亦奏言淮西連年侵掠得不償費其敗可立而待然未可知者在陛下斷與不斷耳執政不喜命有人詆愈在江陵云云元和十二年八月宰臣裴度為淮西宣慰處置

使兼彰義軍節度使請愈為行軍司馬仍賜金紫准

蔡平

新書度宣慰淮西奏愈行軍司馬愈請乘遽先入汴說韓弘使協力公墓志云公以右庶子兼御史中丞行軍司馬宰相軍出潼關請先乘遽至

汴感說都統師乘遂和卒擒元濟公行狀云公為行軍司馬從丞相居於郟城公知蔡州精卒聚界上以拒官軍守城者率老弱且不過千人亟白丞相請以兵三千人間道以入必擒吳元濟丞相未及行而李愬自唐州文城壘提其卒以夜入蔡州果得元濟又云蔡州既平布衣柏耆以計謁公公與語奇之遂白丞相曰淮西滅王承宗膽破可不勞用眾宜使辯士奉相公書明禍福以招之彼必服丞相然之公口占為書使柏耆袖之以至鎮州承宗果大恐上表請割德

六五十一  
以獻

棣二州十二月隨度還朝以功授刑部侍郎仍詔愈撰

鄧子佩

平淮西碑其辭多敘裴度事時先入蔡州擒吳元濟李愬功第一愬不平之愬妻出入禁中因訴碑辭不實詔令磨愈文憲宗命翰林學士段文昌重撰文勒石鳳翔法門寺有護國真身塔塔內有釋迦文佛指骨一節其書本傳法三十年一開開則歲豐人泰十四年正月上令中使杜英奇押宮人三十人持香花赴臨臬驛迎佛骨自光順門入大內留禁中三日乃送諸寺王公士庶奔走捨施唯恐在後百姓有廢業破產燒頂灼臂而求供養者愈素不喜佛上疏諫曰伏以佛者夷狄之一法耳自後漢時始流入中國上

古未嘗有也昔黃帝在位百年年百一十歲少昊在位八十年年百歲顓頊在位七十九年年九十八歲帝嚳在位七十年年百五歲帝堯在位九十八年年百一十八歲帝舜及禹年皆百歲此時天下太平百姓安樂壽考時中國未有佛也其後殷湯亦年百歲湯孫太戊在位七十五年武丁在位五十年書史不言其壽推其年數蓋不減百歲周文王年九十七歲武王年九十三歲穆王在位百年此時佛法亦未至中國非因事佛而致此也漢明帝時始有佛法明帝在位纔十八年耳其後亂亡相繼運祚不長宋齊梁陳元魏已下事佛漸謹年代尤促唯梁武帝在位四

十八年前後三度捨身施佛宗廟之祭不用牲牢晝  
日一食止於菜果其後竟為侯景所逼餓死臺城國  
亦尋滅事佛求福乃更得禍由此觀之佛不足信亦  
可知矣高祖始受隋禪則議除之當時羣臣識見不  
遠不能深究先王之道古今之宜推闡聖明以究斯  
弊其事遂止臣嘗恨焉伏惟皇帝陛下神聖英武數  
千百年已來未有倫比即位之初即不許度人為僧  
尼道士又不許別立寺觀臣當時以為高祖之志必  
行於陛下之手今縱未能即行豈可恣之轉令盛也  
今聞陛下令羣僧迎佛骨於鳳翔御樓以觀昇入大  
內令諸寺遞迎供養臣雖至愚必知陛下不惑於佛

作此崇奉以祈福祥也直以豐年之樂徇人之心為  
京都士庶設詭異之觀戲玩之具耳安有聖明若此  
而肯信此等事哉然百姓愚冥易惑難曉苟見陛下  
如此將謂真心信佛皆云天子大聖猶一心敬信百  
姓微賤於佛豈合惜身命所以灼頂燔指百十為羣  
解衣散錢自朝至暮轉相倣效唯恐後時老幼奔波  
棄其生業若不即加禁遏更歷諸寺必有斷臂鬻身  
以為供養者傷風敗俗傳笑四方非細事也佛本夷  
狄之人與中國言語不通衣服殊製口不道先王之  
法言身不服先王之法物不知君臣之義父子之情  
假如其身尚在奉其國命來朝京師陛下容而接之

不過宣政一見禮賓一設賜衣一襲衛而出之於境  
不令惑於衆也況其身死已久枯朽之骨凶穢之餘  
豈宜以入宮禁孔子曰敬鬼神而遠之古之諸侯行  
弔於國尚令巫祝先以桃茆祓除不祥然後進弔今  
無故取朽穢之物觀視之巫祝不先桃茆不用羣臣  
不言其非御史不舉其失臣實恥之乞以此骨付之  
水火永絕根本斷天下之疑絕後代之惑使天下之  
人知大聖人之所作為出於尋常萬萬也豈不盛哉  
豈不快哉佛如有靈能作禍祟凡有殃咎宜加臣身  
上天鑒臨臣不怨悔疏奏憲宗怒甚間一日出疏以  
示宰臣將加極法裴度崔羣奏曰韓愈上忤尊聽誠

宜得罪然而非內懷忠懇不避黜責豈能至此伏乞  
稍賜寬容以來諫者上曰愈言我奉佛太過我猶為  
容之至謂東漢奉佛之後帝王咸致夭促何言之乖  
刺也愈為人臣敢爾狂妄固不可赦于是人情驚惋  
乃至國戚諸貴亦以罪愈太重因事言之乃貶為潮  
州刺史愈至潮陽上表曰臣今年正月十四日蒙恩  
授潮州刺史即日馳驛就路經涉嶺海水陸萬里臣  
所領州在廣府極東去廣府雖云二千里然來往動  
皆踰月過海口下惡水濤瀧壯猛難計期程颶風鱷  
魚患禍不測州南近界漲海連天毒霧瘴氛日夕發  
作臣少多病年纔五十髮白齒落理不久長加以罪

犯至重所處又極遠惡憂惶慙悸死亡無日單立一身朝無親黨居蠻夷之地與魑魅同羣苟非陛下哀而念之誰肯為臣言者臣受性愚陋人事多所不通唯酷好學問文章未嘗一日暫廢實為時輩推許臣於當時之文亦未有過人者至於論述陛下功德與詩書相表裏作為歌詩薦之郊廟紀太山之封鏤白玉之牒鋪張對天之宏休揚厲無前之偉蹟編於詩書之策而無愧措於天地之間而無虧雖使古人復生臣未肯多讓伏以大唐受命有天下四海之內莫不臣妾南北東西地各萬里自天寶之後政治少懈文致未復武尅不綱孽臣姦隸外順內悖父死子代

以祖以孫如古諸侯自擅其地不朝不貢六七十年四聖傳序以至陛下躬親聽斷干戈所麾無不從順宜定樂章以告神明東巡泰山奏功皇天使永永萬年服我成烈當此之際所謂千載一時不可逢之嘉會而臣負罪嬰釁自拘海島戚戚嗟嗟日與死迫曾不得奏薄伎於從官之內隸御之間窮思畢精以贖前過懷痛窮天死不閔目瞻望宸極魂神飛去伏惟陛下天地父母哀而憐之憲宗謂宰臣曰昨得韓愈到潮州表因思其所諫佛骨事大是愛我我豈不知然愈為人臣不當言人主事佛乃年促也我以是惡其容易上欲復用愈故先語及觀宰臣之奏對而皇

甫鑄惡愈狷直恐其復用率先對曰愈終大狂疎且可量移一郡乃授袁州刺史初愈至潮陽既視事詢吏民疾苦皆曰郡西湫水有鱷魚卵而化長數丈食民畜產將盡以是民貧居數日愈往視之令判官秦濟炮一豚一羊投之湫水咒之曰前代德薄之君棄楚越之地則鱷魚涵泳於此可也今天子神聖四海之外撫而有之况揚州之境刺史縣令之所治出貢賦以共天地宗廟之祀鱷魚豈可與刺史雜處此上哉刺史受天子命令守此土而鱷魚睥然不安谿潭食民畜熊鹿麋豕以肥其身以鯀其卵與刺史爭為長刺史雖駑弱安肯為鱷魚低首而下哉今潮州大

海在其南鯨鵬之大蝦蟹之細無不容鱷魚朝發而夕至今與鱷魚約三日乃至七日如頑而不徙須為物害則刺史選材伎壯夫操勁弓毒矢與鱷魚從事矣咒之夕有暴風雷起於湫中數日湫水盡涸徙於舊湫西六十里自是潮人無鱷患袁州之俗男女隸於人者踰約則没入出錢之家愈至設法贖其所没男女歸其父母仍削其俗法不許隸人十五年徵為國子祭酒轉兵部侍郎會鎮州殺田弘正立王廷湊令愈往鎮州宣諭愈既至集軍民諭以逆順辭情切至廷湊畏重之改吏部侍郎

新書詔愈宣撫既行眾皆危之元稹言韓愈可惜穆宗亦悔詔愈度

事從宜無必入愈曰安有受君命而滯留自顧遂疾驅入廷湊嚴兵逐之甲士陳庭既坐廷湊曰所以紛紛者乃此士卒也愈大聲曰天子以公為有將帥材

故賜以節豈意同賊反邪語未終士前奮曰先太師為國擊朱滔血衣猶在此軍何負朝廷乃以為賊乎愈曰以為爾不記先太師也若猶記之固善且為逆與順利害不能遠引古事但以天寶來禍福為爾等明之安祿山史思明李希烈梁崇義朱滔朱泚吳元濟李師道有若子若孫在乎亦有居官者乎眾曰無愈曰田公以魏博六州歸朝廷官中書令父子受旗節劉悟李祐皆大鎮此爾軍所共聞也眾曰弘正刻故此軍不安愈曰然爾曹害田公又殘其家矣復何道眾乃謹曰侍郎語是廷湊恐眾心動遽麾使去因泣謂愈曰今欲廷湊何所為愈曰神策六軍之將如牛元翼比者不少但朝廷顧大體不可棄之公久圍之何也廷湊曰即出之愈曰若爾則無事矣會元翼亦潰圍出廷湊不追愈歸奏其語帝大悅轉吏部侍郎

轉京兆尹兼御史大夫以不臺叅為御史中丞李紳所劾愈不伏言準勅仍不臺叅紳愈性皆褊僻移刺往來紛然不止乃出紳為浙西觀察使愈亦罷尹為兵部侍郎及紳面辭赴鎮泣涕陳敘穆宗憐之乃追制以紳為兵部侍郎愈復為吏部侍郎長慶四年十二月卒時年五十七

墓志云長慶四年十二月丙子薨明年三月癸酉葬河南河陽

贈禮部尚書謚曰文愈性

弘通與人文榮悴不易少時與洛陽人孟郊東郡人張籍友善二人名位未振愈不避寒暑稱薦於公卿間而籍終成科第榮於祿仕後雖通貴每退公之隙則相與談讌論文賦詩如平昔焉而觀諸權門豪士如僕隸焉瞪然不顧而頗能誘厲後進館之者十六七新書愈成就後進士往往知名經愈指授皆稱韓門弟子雖晨炊不給怡然不介意大抵以興起名教弘獎仁義為事凡嫁內外及友朋孤女僅十人新書凡內外親若交友無後者為嫁遣孤女而卹其家嫂鄭喪為服朞以報常以為自魏晉已還為文者多拘偶對而經誥之指歸遷雄之氣格不復振起矣故愈所為文務反近體抒意立言自成一

之故世稱韓文馬

新書愈每言文章自漢司馬相如太史公劉向揚雄後作者不世出故愈深探本元卓然樹立成一

家言其原道原性師說等數十篇皆與衍閣深與孟軻揚雄相表裏而佐佑六經云至它文造端置辭要為不襲蹈前人者然惟愈為之沛然若有餘至其徒李翱李漢皇甫湜從而效之遽不及遠甚

然時有恃才肆意亦有塾孔孟之旨若南人妄以柳宗元為羅池神而愈誤碑以實之李賀

父名晉不應進士而愈為賀作諱辨令舉進士又為

毛穎傳譏戲不近人情此文章之甚紕繆者時謂愈

有史筆及撰順宗實錄繁簡不當敘事拙於取捨頗

為當代所非穆宗文宗嘗詔史臣添改時愈壻李漢

蔣係在顯位諸公難之而韋處厚竟別撰順宗實錄

三卷有文集四十卷行狀云有集四十卷小集十卷李漢為之序子昶亦

登進士第

### 昌黎先生年譜

#### 世系

始祖弓高侯頽當

裔孫尋

後漢隴西太守世居頽川

稜

官至司空其後徙安定武安

八世祖耆

後魏常山太守武安成侯

茂

尚書令征南大將軍安定

備

定州刺史安定康公

均

雅州都督

仁泰

唐曹州司馬

叡素

桂州長史唐書世系表叡素有七子晉

仲卿

秘書郎贈尚書右僕射

會

起居舍人

百川

老成

登長慶三年第大理丞

少卿

介

率府參軍

百川

湘

世系表滂寶雞丞按公韓

雲卿

禮部郎中

愈

詳見本傳

昶

登長慶四年第

滂

世系表滂寶雞丞按公韓

俞

開封令

昶

登長慶四年第

滂

世系表滂寶雞丞按公韓

紳卿

揚州錄事參軍遷涇陽令

昶

號州司戶參軍

知唐書之誤

紀年

時事

出處

詩

代 大曆三年  
戊申

李漢序云先生生於  
大曆三年戊申

宗 大曆四年  
己酉

行狀云公生三歲父  
歿養于兄會舍

大曆五年  
庚戌

大曆六年  
辛亥

大曆七年  
壬子

大曆八年  
癸丑

大曆九年  
甲寅

大曆十年  
乙卯

大曆十一年  
丙辰

大曆十二年三月誅元載五月起居新書本傳云愈隨伯  
舍人韓會坐元載貶官兄會貶官嶺表會卒

嫂鄭鞠之公過始興  
江口感懷詩云憶作  
兒童隨伯氏南來今  
只一身存

大曆十四年五月代宗崩德宗即位  
十月葬元陵

德 建中元年  
庚申正月  
宗 改元

建中二年  
辛酉

建中三年  
壬戌

建中四年  
癸亥

興元元年  
甲子正月

改元	貞元元年	六月以韋臯為西川節度使			
乙丑正月	改元				
貞元二年	丙寅	四月淮西將陳僊奇殺李希烈以降以僊奇為節度使七月陳僊奇為其將吳少誠所殺以少誠為留後	公年十九始至京師		
貞元三年	丁卯				
貞元四年	戊辰	十一月以張建封為徐泗濠節度使			
貞元五年	己巳	二月以董晉同平章事			
貞元六年	庚午				
貞元七年	辛未				
貞元八年	壬申	四月以趙憬陸贄同平章事	行狀云公年二十五上進士第唐科名記云貞元八年陸贄主司		

貞元九年	癸酉	五月趙憬為門下侍郎與賈耽盧邁同平章事董晉罷	試明水賦御溝新柳詩 博學宏詞試太清宮 觀紫極舞賦顏子不貳過論		
貞元十年	甲戌		公是年嘗歸河陽省墳墓 重雲一首李觀疾贈之		
貞元十一年	乙亥		又試宏詞三上宰相書皆不報去京師過潼關歸河陽遂自河陽如東都		
貞元十二年	丙子	七月宣武軍亂以董晉為節度使八月以陸長源為宣武行軍司馬十一月以韋渠牟為諫議大夫	行狀云董公辟公以行得試秘書省校書郎為觀察推官		
貞元十三年	丁丑	十二月以宦者為宮市使			
貞元十四年	戊寅	七月以鄭餘慶同平章事九月吳少誠叛			天星送楊凝郎中賀正
貞元十五年	己卯	二月宣武節度使董晉卒軍亂殺留後陸長源日丞相薨既斂而行可惜一首贈張籍	行狀云二月三汴州亂二首此日足		汴

三月以韓弘為宣武節于行之四日汴州亂泗交流贈張僕射忽  
度使詔削奪吳少誠官歷官記云汴軍亂愈忽 鳴雁 雉帶箭  
爵令諸道進兵討之 家在園中尋得脫下齷齷 駑驥

鄧子佩

汴東趨彭城愈從喪  
至洛還盟津渡汜水  
出陳許間以二月暮  
抵徐州節度使張建  
封居之于符離睢上  
及秋將辭去建封奏  
為節度推官試協律  
郎至冬建封使愈朝  
正于京師

貞元十六年庚辰

二月以韓全義為蔡州  
招討使五月韓全義與  
淮西兵戰于澠南大潰  
徐泗濠節度使張建封  
卒以子愔為徐州團練  
使七月吳少誠襲韓全  
義于五樓全義大敗走  
保陳州九月貶鄭餘慶  
為郴州司馬十月赦吳  
少誠復其官爵

春公朝正回徐夏去歸彭城 山石 烽火  
徐西居于洛陽公既  
去徐而建封卒翌日  
徐軍亂冬公如京師  
送僧澄觀

貞元十七年辛巳

公在京師從調選三將歸贈孟東野房蜀客  
月東還公自去年冬  
參調竟無所成而歸  
今年冬再任  
從仕

貞元十八年壬午

春始有四門博士之  
授為博士日嘗謁告  
歸洛因遊華山即荅  
張徹詩所謂洛邑得  
休告華山絕窮陁者  
也

貞元十九年癸未

三月以杜佑同平章事  
以李實為京兆尹十二  
月以高郢鄭珣瑜同平  
章事

哭楊兵曹凝陸歙州慘  
苦寒 落齒

貞元二十年甲申

公年三十六自博士  
拜監察御史是時有  
詔以旱饑蠲租之半  
有司徵愈急公與張  
署李方叔上疏言關  
中天下根本民急如  
是請寬民徭而免田  
租天子惻然卒為幸  
臣李實所讒十二月  
貶連州陽山令  
春始到陽山

貞女峽 同冠峽 次  
同冠峽 荅張十一功  
秀野州堂

順 永貞元年  
乙酉即貞元  
元二十一年  
宗 元八月改

正月德宗崩順宗即位以  
韋執誼同平章事以王  
伾為左散騎常侍王叔  
文為翰林學士大赦罷  
進奉宮市五坊小兒以  
王伾為翰林學士以杜  
佑為度支等使王叔文  
為副使立廣陵王純為  
皇太子賈耽鄭珣瑜病  
不視事五月以范希朝  
為神策京西行營節度  
使韓泰為行軍司馬以  
王叔文為戶部侍郎七  
月太子監國以杜黃裳  
袁滋同平章事鄭珣瑜  
高郢罷八月順宗傳位  
于太子自號太上皇貶  
王伾為開州司馬叔文  
為渝州司戶憲宗即位  
南康忠武王韋皋卒以

公以是年春遇赦夏  
秋離陽山竢命于柳  
者三月至秋末始授  
江陵府法曹參軍

曹 李員外寄紙筆  
縣齋讀書  
聞梨花發贈劉師命  
梨花下贈劉師命 劉  
生詩 縣齋有懷 八  
月十五夜贈張功曹  
又魚招張功曹 柳州  
祈雨 柳口又贈二首  
合江亭 謁衡岳廟  
遂宿岳寺題門樓 陪  
杜侍御遊湘西寺獨宿  
有題一首因獻楊常侍  
湘中酬張十一功曹  
晚泊江口 湘中  
洞庭湖阻風贈張十一  
署 岳陽樓別竇司直  
赴江陵途中寄贈王  
二十補闕李十一拾遺  
李二十六員外翰林三  
學士

憲 元和元年  
丙戌即永貞  
宗 貞二年正月  
月改元

鄭餘慶同平章事貶韓  
泰韓曄柳宗元劉禹錫  
為諸州刺史十月葬崇  
陵十一月祔于太廟貶  
韋執誼為崖州司戶再  
貶韓泰等為諸州司馬  
十二月以劉闢為西川  
節度副使

正月太上皇崩劉闢反  
命神策行營節度使高  
崇文將兵討之三月夏  
綏留後楊惠琳拒命詔  
河東天德軍討斬之四  
月以高崇文為東川節  
度副使鄭餘慶罷六月  
高崇文破鹿頭關連戰  
皆捷七月葬豐陵平盧  
節度使李師古卒九月  
高崇文克成都擒劉闢  
送京師斬之徵少室山  
人李渤為左拾遺十月  
以高崇文為西川節度

公年三十有九其春  
喜雪獻裴尚書 春雪  
間早梅 杏花 感春  
四首 李花贈張十一  
署 寒食日出遊 憶  
昔行和張十一 鄭羣  
贈篔簹 入關詠馬 荅  
張徹 豐陵行 游青  
龍寺贈崔大補闕 贈  
崔立之評事 送文暢  
師北遊 送區弘南歸  
喜侯喜至贈張籍張  
徹 剝啄行 城南聯  
句 會合聯句 鬪雞  
聯句 納涼聯句 秋

元和二年 丁亥

正月以武元衡李吉甫同平章事四月以武元衡為西川節度使羣臣上尊號以普寧公主適于季友

兩聯句 征蜀聯句 同宿聯句 莎柵聯句 雨中寄孟刑部幾道見寄

元和三年 戊子

七月淮南節度使王錡入朝

改真博士

崔十六少府攝伊陽以詩及書見投因酬三十韻 東都遇春 祖席前字 秋字 遠遊聯句 陸渾山火和皇甫湜用其韻 送李翱 送侯參謀赴

己丑

二州詔以承宗為成德節度使德州刺史薛昌朝為保信節度使領德棣二州承宗襲昌朝執之以歸十月削奪王承宗官爵發兵討之以吐突承瓘為招討處置等使

日改都官員外郎守東都省

河中幕 和虞部盧四汀酬翰林錢七徽赤藤杖歌 同竇牟韋執中尋劉尊師不遇 送湖南李正字歸

元和五年 庚寅

正月吐突承瓘討王承宗戰不利三月以烏重胤為河陽節度使七月制雪王承宗復其官爵九月罷吐突承瓘為軍器使

授河南縣令

感春五首 送石處士赴河陽幕 月蝕詩效玉川子作 招揚之罟河南令舍池臺 燕河南府秀才

元和六年 辛卯

正月以李吉甫同平章事十二月以李絳同平章事

辛卯年雪 醉留東野 李花二首 寄盧仝 誰氏子 酬司門盧四兄雲夫院長望秋作 石鼓歌

元和七年 壬辰

四月以崔羣為中書舍人七月立遂王恒為皇太子十一月遣知制誥為國子博士

贈劉師服 送進士劉師服東歸 送劉師服和崔舍人詠月二十

裴度宣慰魏博

鄧荏生

元和八年正月徵西川節度使武元衡入知政事

三月乙亥改比部郎中史館脩撰公作進學解以自諭執政覽其文而憐之以其有史才故除是官

韻 盧郎中雲夫寄示送盤谷子詩兩章歌以和之 石鼎聯句

元和九年十月李吉甫卒

十月甲子公為考功郎中依前史館修撰十二月戊午以考功知制誥

元和十年正月吳元濟反制削其官爵發兵討之三月以柳宗元為柳州刺史劉禹錫為連州刺史五月遣御史中丞裴度宣慰淮西行營六月盜殺中書侍郎同平章事武元衡以裴度同平章事九月以韓弘為淮西諸軍都統

奉和庫部盧四兄曹長元日朝迴 寒食直歸 遇雨 題百葉桃花 芍藥 送李尚書赴襄陽八韻 寄崔二十六立之 雪後寄崔二十六丞公

元和十一年丙申

正月以翰林學士錢徽知制誥詔削王承宗官中知制誥遷中書舍人丙申賜緋魚五月盧給事雲夫四兄曲江逢吉同平章事三月莊憲皇后崩四月以司農卿皇甫鏞判度支十二月以李愬為唐鄧節度使

大行皇太后挽歌詞二首 奉酬 奉和裴相公東征途經女几山下作 晚秋鄆城夜會聯句 鄆城晚飲奉贈副使馬侍郎及馮李二員外 酬別留後侍郎 同李二十八夜次襄城 同李二十八員外從裴相公野宿西界 過襄城 宿神龜招李二十八 馮十七 次硤石 和 李司勳過連昌宮 次

元和十二年丁酉

七月以裴度兼彰義節度使充淮西宣慰招討使九月以崔羣同平章事李逢吉罷十月李愬夜襲蔡州擒吳元濟檻送京師裴度入蔡州十一月上御門受俘斬吳元濟賜李愬爵涼國公韓弘等遷官有差十二月賜裴度爵晉國公復入知政事

公以裴丞相請兼御閒游二首 過鴻溝 送張侍郎 贈刑部馬侍郎 奉和裴相公東征途經女几山下作 晚秋鄆城夜會聯句 鄆城晚飲奉贈副使馬侍郎及馮李二員外 酬別留後侍郎 同李二十八夜次襄城 同李二十八員外從裴相公野宿西界 過襄城 宿神龜招李二十八 馮十七 次硤石 和 李司勳過連昌宮 次

秀野州堂

元和十三  
年戊戌

四月王承宗納質請吏四月鄭餘慶為詳復獻德棣二州詔復其定禮樂使奏公與李都

送李員外院長分司東  
相公 桃林夜賀晉公  
晉公破賊回重拜台  
司以詩示幕中賓客愈  
奉和 獨釣四首

元和十四  
年乙亥

四月裴度罷為河東節度使

正月遣中使迎佛骨表至京師公上佛骨表書去年蔡州元日見寄之什

路傍堠 左遷  
至藍關示姪孫湘 武  
關西逢配流吐蕃 食  
曲河驛 次鄧州界  
過南陽 瀧吏 題臨  
瀧寺 將至韶州先寄  
張端公使君借圖經  
晚次宣溪辱韶州張端  
公使君惠書敘別酬以  
絕句二章 過始興江

元和十五  
年庚子

正月憲宗暴崩于中和公是年春到袁州九月殿閏月穆宗即位貶皇月召拜國子祭酒冬甫鑄為崖州司戶六月暮至京師葬景陵

量移袁州張韶州端公  
以詩相賀因酬之 韶  
州留別張端公使君  
次石頭驛寄江西王十  
中丞閣老 除官赴闕  
至江州寄鄂岳李大夫  
游西林寺題蕭二兄  
郎中舊堂 自袁州還  
京行次安陸先寄隨州  
周員外 寄隨州周員  
外 題廣昌館 酒中  
留上襄陽李相公 去  
歲自刑部侍郎以罪貶  
潮州刺史乘驛赴任其  
後家亦遣逐小女道死  
殞之層峰驛旁山下蒙  
恩還朝過其墓留題驛

口感懷 贈別元十八

協律六首 初南食貽

元十八協律 宿曾江

口示姪孫湘 答柳柳

州食蝦蟇 別趙子

秀野艸堂

穆長慶元年  
辛丑正月  
宗改元

正月以杜元穎同平章  
事四月貶錢徽李宗閔  
為遠州刺史楊汝士為  
開江令七月成德兵馬  
使王庭湊殺節度使田  
弘正起復田布為魏博  
節度使討之詔諸道討  
王庭湊以牛元翼為深  
冀節度使庭湊圍深州  
十月以裴度為鎮州行  
營都招討使

轉兵部侍郎

梁  
南山有高樹贈李宗閔  
雨中寄張博士籍侯  
主簿喜 送侯喜

壬寅  
長慶二年

二月以裴度為司空東  
都留守三月詔留裴度  
輔政六月裴度罷為右  
僕射以李逢吉同平章  
事

奉使常山早次太原呈  
副使吳郎中 夕次壽  
陽驛題吳郎中詩後  
奉使鎮州行次承天行  
營奉酬裴司空 鎮州  
路上謹酬裴司空相公  
重見寄 鎮州初歸  
谿堂詩 和裴僕射相  
公假山十一韻 奉和  
僕射裴相公感恩言志

癸卯  
長慶三年

四月以鄭權為嶺南節  
度使八月以裴度為司  
空山南西道節度使

六月公以吏部侍郎  
為京兆尹兼御史大  
夫敕放臺參後不得  
為例十月癸巳為兵  
部侍郎庚子復為吏  
部侍郎

寄  
和僕射相公朝迴見  
送鄭尚書赴南海

甲辰  
長慶四年

正月穆宗崩敬宗即位  
十一月葬光陵

是年公沒年五十七  
行狀云得病滿百日  
假既罷以十二月二  
日卒於靖安里第按  
張籍祭公詩云去夏  
公請告養疾城南莊  
籍時官休罷兩月同  
遊翔又云共愛池上  
佳聯句舒遐情又云  
公為游溪詩唱詠多  
慨慷城南莊在長安  
城南公之別墅也池  
上聯句集中無之游  
溪詩即南溪始泛三

首是也

昌黎先生詩集注目錄

卷第一

古詩三十一首

元和聖德詩

并序

琴操十首

將歸操

猗蘭操

龜山操

越裳操

拘幽操

岐山操



履霜操

雉朝飛操

別鵠操

殘形操

南山詩

謝自然詩

秋懷詩十一首

赴江陵途中寄贈王二十補闕李十一拾遺

李二十六員外翰林三學士

暮行河堤上

夜歌

重雲一首李觀疾贈之

江漢一首答孟郊

長安交遊者一首贈孟郊

岐山下一首

卷第二

古詩二十九首

北極一首贈李觀

此日足可惜一首贈張籍

幽懷

君子法天運

落葉一首送陳羽

歸彭城

醉後

醉贈張祕書

同冠峽

送惠師

送靈師

縣齋有懷

合江亭

陪杜侍御遊湘西兩寺獨宿有題一首因獻

楊常侍

岳陽樓別竇司直

送文暢師北遊

答張徹

薦士

喜侯喜至贈張籍張徹

古風

駑驥

馬馱穀

出門

嗟哉董生行

烽火

汴州亂二首

利劍

齷齪

卷第三

古詩三十首

河之水二首寄子姪老成

山石

天星送楊凝郎中賀正

汴泗交流贈張僕射

建封

忽忽

鳴鴈

龍移

雉帶箭

條山蒼

贈鄭兵曹

桃源圖

東方半明

贈唐衢

貞女峽

贈侯喜

古意

八月十五夜贈張功曹

署

謁衡嶽廟遂宿嶽寺題門樓

岫嶺山

永貞行

洞庭湖阻風贈張十一署

李花贈張十一署

杏花

感春四首

寒食日出遊

憶昨行和張十一

卷第四

古詩三十三首

劉生詩

鄭羣贈簞

豐陵行

遊青龍寺贈崔大補闕

贈崔立之評事

送區弘南歸

三星行

剝啄行

青青水中蒲三首

孟東野失子 并序

陸渾山火和皇甫湜用其韻

縣齋讀書

新竹

晚菊

落齒

哭楊兵部凝陸歙州參

苦寒

和虞部盧四汀酬翰林錢七徽赤藤杖歌

崔十六少府攝伊陽以詩及書見投因酬三

十韻

送侯參謀赴河中幕

東都遇春

感春五首

酬裴十六功曹巡府西驛塗中見寄

燕河南府秀才

送李翱

送石處士赴河陽幕

送湖南李正字歸

卷第五

古詩三十三首

辛卯年雪

醉留東野

李花二首

招揚之罍一首

一五册七  
寄盧仝

酬司門盧四兄雲夫院長望秋作

誰氏子

河南令舍池臺

送無本師歸范陽

石鼓歌

雙鳥詩

贈劉師服

題炭谷湫祠堂

聽穎師彈琴

送陸暢歸江南

送進士劉師服東歸

嘲魯連子

贈張籍

調張籍

盧郎中雲夫寄示送盤谷子詩兩章歌以和之

寄皇甫湜

病中贈張十八

雜詩

寄崔二十六立之

月蝕詩效玉川子作

孟生詩

射訓狐

將歸贈孟東野房蜀客

答孟郊

從仕

短燈檠歌

送劉師服

卷第六

古詩二十四首

符讀書城南

示爽

人日城南登高

病鴟

華山女

讀皇甫湜公安園池詩書其後一首

路傍埃

食曲河驛

過南陽

瀧吏

贈別元十八協律六首

初南食貽元十八協律

宿曾江口示姪孫湘二首

答柳柳州食蝦蟇

別趙子

除官赴闕至江州寄鄂岳李大夫

南山有高樹行贈李宗閔

猛虎行

卷第七

古詩三十一首

雪後寄崔二十六丞公

斯立

送僧澄觀

山南鄭相公樊員外酬荅為詩其末咸有見

及語樊封以示愈依賦十四韻以獻

奉和武相公鎮蜀時詠使宅韋太尉所養孔

雀

感春三首

早赴街西行香贈盧李二中舍人

晚寄張十八助教周郎博士

題張十八所居

奉酬盧給事雲夫四兄曲江荷花行見寄并

呈上錢七兄閣老張十八助教

奉和錢七兄曹長盆池所植

記夢

南內朝賀歸呈同官

朝歸

雜詩四首

讀東方朔雜事

譴瘡鬼

示兒

庭楸

翫月喜張十八員外以王六秘書至

和李相公攝事南郊覽物興懷呈一二知舊

和裴僕射相公假山十一韻

與張十八同效阮步兵一日復一夕

送諸葛覺往隨州讀書

南溪始泛三首

卷第八

聯句十一首

城南聯句

會合聯句

鬪雞聯句

納涼聯句

秋雨聯句

征蜀聯句

同宿聯句

莎柵聯句

雨中寄孟刑部幾道聯句

遠遊聯句

晚秋郾城夜會聯句

卷第九

律詩八十五首

題楚昭王廟

宿龍宮灘

義魚招張功曹

李員外寄紙筆

次同冠峽

答張十一功曹

郴州祈雨

湘中酬張十一功曹

郴口又贈二首

題木居士二首

晚泊江口

湘中

別盈上人

喜雪獻裴尚書

春雪

聞梨花發贈劉師命

春雪閒早梅

早春雪中聞鶯

梨花下贈劉師命

和歸工部送僧約

入關詠馬

木芙蓉

題張十一旅舍三詠

榴花

井

蒲萄

峽石西泉

梁國惠康公主挽歌二首

和崔舍人詠月二十韻

詠雪贈張籍

酬王二十舍人雪中見寄

送侯喜

學諸進士作精衛銜石填海

奉酬振武胡十二丈大夫

奉和庫部盧四兄曹長元日朝迴

寒食直歸遇雨

送李六協律歸荆南

題百葉桃花

春雪

戲題牡丹

盆池五首

芍藥

奉和號州劉給事使君三堂新題二十一詠  
并序

新亭

流水

竹洞

月臺

渚亭

竹溪

北湖

花島

柳溪

西山

竹徑

荷池

稻畦

柳巷

花源

北樓

鏡潭

孤嶼

方橋

梯橋

月池

遊城南十六首

賽神

題于賓客莊

晚春

落花

楸樹二首

風折花枝

贈同遊

贈張十八助教

題韋氏莊

晚雨

出城

把酒

嘲少年

楸樹

遣興

卷第十

律詩八十首

送李尚書赴襄陽八韻

和席八十二韻

和武相公早春聞鶯

太安池

闕

遊太平公主山莊

晚春

大行皇太后挽歌詞三首

廣宣上人頻見過

閑遊二首

酬馬侍郎寄酒

和侯協律詠筍

過鴻溝

送張侍郎

贈刑部馬侍郎

奉和裴相公東征途經女几山下作

郾城晚飲奉贈副使馬侍郎及馮李二員外

酬別留後侍郎

同李二十八夜次襄城

同李二十八員外從裴相公野宿西界

過襄城

宿神龜招李二十八馮十七

次硤石

一百九十八  
昌黎詩集注目錄  
有恒

和李司勳過連昌宮

次潼關先寄張十二閣老使君

次潼關上都統相公

桃林夜賀晉公

送李員外院長分司東都

晉公破賊回重拜台司以詩示幕中賓客愈

奉和

獨釣四首

枯樹

元日酬蔡州馬十二尚書去年蔡州元日見

寄之什

詠燈花同侯十一

祖席 前字

秋字

送鄭尚書赴南海

答道士寄樹雞

左遷至藍關示姪孫湘

武關西逢配流吐蕃

次鄧州界

題臨瀧寺

晚次宣溪辱韶州張端公使君惠書敘別酬

以絕句二章

題秀禪師房

將至韶州先寄張端公使君借圖經

過始興江口感懷

韶州留別張端公使君

量移袁州張韶州端公以詩相賀因酬之

次石頭驛寄江西王十中丞閣老

遊西林寺題蕭二兄郎中舊堂

自袁州還京行次安陸先寄隨州周員外

題廣昌館

寄隨州周員外

酒中留上襄陽李相公

去歲自刑部侍郎以罪貶潮州刺史乘驛赴

任其後家亦遣逐小女道死殯之層峰

驛旁山下蒙恩還朝過其墓留題驛梁

賀張十八秘書得裴司空馬

杏園送張徹侍御歸使

雨中寄張博士籍侯主簿喜

奉和兵部張侍郎酬鄆州馬尚書祇召途中

見寄開緘之日馬帥已再領鄆州之作

早春與張十八博士籍遊楊尚書林亭寄第

三閣老兼呈白馮二閣老

奉使常山早次太原呈副使吳郎中

夕次壽陽驛題吳郎中詩後

鎮州初歸

同水部張員外曲江春遊寄白二十二舍人

和水部張員外宣政衙賜百官櫻桃詩

早春呈水部張十八員外二首

送桂州嚴大夫

奉酬天平馬十二僕射暇日言懷見寄之作

奉使鎮州行次承天行營奉酬裴司空

鎮州路上謹酬裴司空相公重見寄

奉和僕射裴相公感恩言志

和僕射相公朝迴見寄

奉和李相公題蕭家林亭

奉和杜相公太清宮紀事陳誠上李相公十

六韻

卷第十一

外集詩五首

芍藥歌

海水

贈崔立之

贈河陽李大夫

苦寒歌

遺詩十六首

同竇年韋執中尋劉尊師不遇

春雪

贈族姪

嘲鼯睡二首

畫月

贈張徐州莫辭酒

辭唱歌

知音者誠希

酬藍田崔丞立之詠雪見寄

潭州泊船呈諸公

飲城南道邊古墓上逢中丞過贈禮部衛員

外少室張道士

池上絮

有所思聯句

遣興聯句

贈劍客李園聯句

新添詩五首

鄆州谿堂詩

送張道士

送鄭十校理

送汴州監軍俱文珍

石鼎聯句詩

昌黎先生詩集注目錄

昌黎先生詩集注卷第一



長洲顧

嗣立

俠君

刪補

古詩三十一首

元和聖德詩

并序



嗣立補注唐書憲宗皇帝紀帝順宗長子永貞元年八月詔立為皇帝乙巳即位癸丑劍南西川行軍司馬劉闢自稱留後十一月壬申夏綏銀節度留後楊惠琳反元和元年三月辛巳惠琳伏誅九月辛亥克成都十月戊子闢伏誅二年正月己丑朝獻于太清宮庚寅朝享于太廟辛卯有事于南郊大赦

臣愈頓首再拜言

一有曰字

臣伏見皇帝陛下即位已來誅

流姦臣

嗣立補注舊唐書順宗紀八月庚子詔冊皇太子即皇帝位壬寅貶右散騎常侍王伾為開州司馬前戶部侍郎度支鹽鐵轉運使

王叔文為渝州司戶憲宗紀八月即位九月貶韓泰等為諸州刺史十一月貶中書侍郎平章事韋執誼為崖州司馬

朝廷清明無

有欺蔽外斬楊惠琳劉闢以收夏蜀東定青徐積年

之叛

孫汝聽全解云青謂平盧節度李師道奉表詣京師徐謂徐帥張建封子愔上表請代皆貞元元和間

海內怖駭不

敢違越郊天告廟神靈歡喜風雨晦明

一作明晦

無不從順

太平之期適當今日臣蒙被恩澤日與羣臣序立紫

宸殿陛

一無下

嗣立補注唐六典紫宸殿即內朝正殿也

親望穆穆

之光而

一作况

其職業又在以經籍教導國子

嗣立補注公本傳元和初權知

國子博士

誠宜率先作歌詩以稱道盛德不可以辭語淺薄

不足以自效為解

左傳請以曹為解

輒依古作四言元和聖德

詩一篇凡千有二十四字指事實錄具載明天子文

武神聖以警動百姓耳目傳示無極

史記尊寵樂毅以警動燕齊

其詩

曰

皇帝即阼

史記漢文帝紀皇帝即阼朱熹考異云阼謂東階也

物無違拒曰暘而暘曰

雨而雨

書洪範八庶徵曰雨曰暘曰肅時雨若曰又時暘若

維是元年有盜在夏欲覆

其州以踵近

一作武

嗣立補注舊唐書夏州節度韓全義入朝其甥楊惠琳知留後據城叛詔發河東天德兵誅之

皇

帝曰嘻豈不在我負鄙為艱縱則不可出師征之其

眾十旅

朱云按周禮五人為伍五伍為兩四兩為卒五卒為旅則一旅五百人而十旅五千人也亦見以順討逆師不在眾之意

軍其

城下告以福禍腹敗枝披不敢保聚擲首

音

外

昭公十八年授兵登

降

下江切

幡夜豎

嗣立補注舊唐書夏州兵馬使張承金斬惠琳傳首以獻

疆外之

險莫過蜀土韋臯去鎮劉闢守後

嗣立補注唐書劍南西川節度使韋臯卒行軍司馬

劉闢自稱留後

血人

一作入

于牙不肯吐口

嗣立補注舊唐書闢嘗病見諸問疾者來皆以手據地倒行入闢口闢因

磔裂食之

開庫啗士曰隨所取

朱云此乃述其誘啗士卒之詞

汝張汝弓汝鼓

一作

伐或作桴或作擊

汝鼓汝為表書求我帥汝

唐書闢主後務諷諸將徵旌節

事始上

聞在列咸怒皇帝曰然嗟遠士女苟附而安則且付

與讀命於庭出節少府唐百官志符寶郎凡命將遣使皆賜旌節旌以顯賞節以顯殺朝發京

師夕至其部嗣立補注舊唐書憲宗初即位以無事息人為務遂授關充劍南西川節度使闢喜謂黨汝

振而伍蜀可全有此不當受嗣立補注舊唐書關益兗悖出不臣之言而求都統三川萬牛

鬻力轉切炙之夜切與炙同或曰即載字側更切萬甕行酒以錦纏股以紅帕莫白切

首實錄禹會塗山之夕大風雷震有甲兵卒千餘人其不被甲者以紅綃帕抹其額自此遂為軍容之服有恆音匡其兌

有餌其誘朱云言有畏其暴者有貪其利者故從之者眾耳非本心樂從也其出穰穰詩降福穰穰注眾也

隊以萬數所短切遂劫東川遂據城阻嗣立補注舊唐書關與同幕盧文若相善欲以為東川節

度使遂舉兵圍梓州皇帝曰嗟其又可許爰命崇文分卒禁禦立嗣

補注舊唐書高宗文傳劉闢阻兵朝議討伐宰臣杜黃裳薦武長城使高崇文可以成功充神策行營節度使統諸鎮兵討闢憲宗紀元和元年正月戊子詔嚴礪之師類會進討甲午崇文由斜谷元奕由駱谷俱會于梓潼

驅無暴我野日行三十賈捐之傳吉行五十里師行三十里徐壁一作辟其右闢

黨聚謀鹿頭是守嗣立補注舊唐書成都北一百五十里有鹿頭山闢築城以守又連八柵以拒王師是日破賊二萬于

鹿頭明日又破于萬勝堆崇文使驍將高霞寓攻奪其堆凡八戰皆大捷崇文奉詔進退規一作合矩戰不

貪殺擒不濫數朱云濫數蓋用左傳數俘之語四方節度整兵

頓馬上章請一作乞討俟命起坐皇帝曰嘻無汝煩苦荆

并洎梁孫云荆謂荆南節度使裴均并謂河東節使嚴綬梁謂山南西道節度使嚴礪也在國門戶出師

三千各選爾醜四軍齊作殷音隱其一作殷殷或作其殷如阜詩如岡如阜

或拔一作披其角或脫其距左傳昭二十五年邱氏為之金距長驅洋洋無有齟

壯所切齟音語嗣立補注楚辭九辯園鑿而方枘兮吾固知其齟齬而難入注齟齬相距貌八月壬午闢棄城走

載妻與妾包裹稚乳是日一作曰崇文入處其宇分散逐

捕搜原剔藪闢窮見窘無地自處俯視大江不見洲

渚遂自顛倒若杵投曰取之江中嗣立補注舊唐書闢與逆黨盧文若西走吐蕃崇文遣高

秀野州堂

霞寓等追之至羊灌田關自投  
岷江擒之西蜀平王師入成都  
柳脰音豆械手嗣立補注舊唐書關檻送京師在路飲食自若以為  
不當死及至京西臨臯驛左右神策兵士迎之  
以帛繫首及手足曳而入乃驚曰何乃至是  
婦女纍纍啼哭拜叩

來獻闕下以告廟社周示城市咸使觀覩解脫力全

切索夾以砧當作枯與椹同斧戰國策范雎曰臣之背不足以待斧鉞婉婉弱子赤

立偃音偃樓音樓牽頭曳足先斷腰膂音旅張南軒云誦退之聖德頌至婉婉弱子赤立偃

僕牽頭曳足先斷腰膂處世榮舉子由之說曰此李斯頌秦所不忍言而退之  
自謂無媿於風雅何其陋也此說如何曰退之筆力高得斬截處即斬截他豈

不知此所以為此言者必有說蓋欲使藩鎮聞之畏罪懼禍不敢叛耳今人讀  
之至此猶且寒心况當時藩鎮乎此正是合於風雅處只如牆有茨桑中諸詩

或以為不必載而龜山乃曰此衛為夸狄所滅之由退之之  
言亦此意也退之之意過於子由遠矣大抵前輩不可輕議

骸撐抽庚切拄豕庚切唐書關斬子城西南獨柳樹下子超郎等九人與部將

撐末乃取闕駭汗如寫音揮揮刀紛紜爭刊趨本膾脯立嗣

補注儀禮刊肺脊以祭樊汝霖譜注云此詩蘇黃門獨謂不然且曰此特憲宗  
命崇文誅一劉闕爾其言闕棄城走爭切膾脯何其瑣屑之甚謂之造語工則

可謂之得雅體未也詩載文王伐崇武王伐紂固自有體退之獨不到此邪亦  
其少年所為文也按公時年四十不可謂少大抵德不足則夸憲宗功烈固偉

比文武則有間矣王荊公嘗論詩曰周頌之詞約約所以為嚴德盛故  
也魯頌之詞侈侈所以為夸德不足故也是詩也其亦魯頌之謂歟

將吏扶珪綴組帛堆其家粟塞其庾哀憐陣歿廩給

孤寡贈官封墓周帀宏溥經戰伐地寬免租簿施令

酬功急疾如火唐書元和元年十月滅劔南東西川山南西道今歲賦釋脅從將吏葬陣亡者廩其家五歲二年正月賜文武

爵官勳天地中間莫不順序幽恒青魏一作魏幽恒青東盡海浦南

至徐蔡云魏謂魏博節度幽謂幽州盧龍節度恒謂成德軍節度區度青謂淄青平盧節度徐謂武寧軍節度蔡謂彰義軍節度

外雜虜云按唐地理志魏州魏郡今大名府幽州范陽郡今燕山府鎮州常山縣今真定府青州北海郡也魏則田季安幽則劉濟恒則王士

真青則李師道徐則張愔蔡則方崧卿舉正云公上尊號恒威赧德表有恒威愧德意與此同跋

音踏音昔踏舞掉徒弔切棄兵革私習簞簞來請來覲十百

其耦一作數皇帝曰吁伯父叔舅禮記天子之吏天子同姓謂之伯父異姓謂之伯舅九州之牧天子同姓

謂之叔父異姓謂之叔舅各安爾位訓厥田一作田晦正月元日初見宗祖躬

執百禮登降拜俯薦于一一作饗新宮云新宮順宗室視瞻梁柁音呂

招或謂之棧縣連榘頭使齊平也感見容色淚落入俎侍祠之臣助我惻

楚乃以上辛穀梁傳郊自正月至于三月郊之時也我以十二月下辛

則以二月下辛卜三月上辛如不從則以正月下辛卜二月上辛如不從

牲郊之用辛也注用辛日者凡為人君當齋戒自新耳於郊用牡除

于國南鱗筍思尹切毛簏國許切又音巨周禮考工記梓人為筍虞

讀為竹筍之筍廬幕周施開揭音羯又祭石音何魯可切嗣立補注上林賦

也獸盾順允騰拏女加切詩龍盾之合正義曰盾以木為之而畫龍于

圓壇帖妥禮圓丘象天賀循上郊壇制度曰漢天兵四羅旂一作旗

常妲鳥可切娜奴可切洛神賦華容婀娜駕龍十二周禮校人天子十有二閑魚魚

雅雅晉書劉惔傳洛中雅雅宵昇一作升于丘云丘奠璧獻竿

音賈禮記夏后氏以醎商以苜周以爵嗣衆樂驚作轟呼宏虺音

冶選木玄虛海賦紫一作柴燄嘘呵高靈下墮羣星從去坐錯

落侈哆丁可切又昌者切嗣立補注詩侈兮侈兮成是南箕日君月妃

禮記君之與后猶日之與月前漢李尋傳日者衆陽之宗輝光所燭萬物同晷

人君之表也唐楊炯渾天儀賦月也者羣陰之紀上天之使異姓之王后妃之

事煥赫媠鳥果切姬五果切樂府珠佩媠姬戲金闕祝充瀆鬼濛莫孔

鴻胡孔切淮南嶽祗業音莪音我後漢書飲沃羶薌一作香嗣立補

羶產祥降嘏鳳皇應奏舒翼自拊赤麟一作麟黃龍透於

切一陀徒河結糾卿士庶人黃童白叟踊躍歡一作歡呀虛加

失喜噎一結歐鳥后切一作乾清坤夷境落褰音愆舉帝

車迴來日正當午校本作日幸丹鳳門大赦天下滌濯剗

楚簡切一作刺碾初兩切又此兩切嗣立補注許慎說文剗削磨滅瑕垢續功

臣嗣拔賢任考孩養無告仁滂施厚皇帝神聖通達

今一作先古一作通聽聰視明一作視一似堯禹洪興祖辨證云蓋取禮記一似重有

憂者黃魯直云退之文老杜詩無一字無來處後人讀書少故謂韓杜自作此語耳生知法式動得理所天

錫皇帝為天下主并包畜養無異細鉅億載萬年敢

有違者皇帝儉勤盟音濯陶瓦斥遣浮華好此綈音

紵敕戒四方侈則有咎天錫皇帝多麥與黍無召水

旱耗于一作無耗雀鼠億載萬年有富無窶羣羽切皇帝正直

別白善否擅命而狂既翦既去盡逐羣姦靡有遺侶

天錫皇帝厖臣碩輔博問遐觀以置左右億載萬年

無敢余侮皇帝大孝慈祥悌友怡怡愉愉奉太皇后

唐書憲宗母昭憲皇太后王氏浹于族親濡及九有天錫皇帝與天齊壽

登茲太平無怠永久億載萬年為父為母博士臣愈

職是訓詁孫云爾雅有釋詁釋訓釋詁者釋古今之異辭釋訓者辨物之形貌訓詁即歌詩也作為歌詩以

配吉甫毛詩序云嵩高烝民韓奕江漢皆尹吉甫美宣王也詩烝民吉甫作頌穆如清風

穆伯長曰退之元和聖德詩淮西碑柳雅章之類皆辭嚴義偉制作如經能萃然聳唐德於盛漢之表筆墨間錄云此序乃司馬遷之文非相如文也

### 琴操十首 并序

韓醇全解云按琴操凡十有二公取其十如下所作是也惟水僂懷陵操乃伯牙所作公削之為之詞者十事

各注于下朱云歐本云此效蔡邕作十操事跡皆出蔡邕琴操云風俗通琴曲曰操操者言窮阨猶不失其操也○唐子西曰琴操非古詩非騷詞惟退

之為得體退之琴操柳子厚不能作也

### 將歸操 孔子之趙聞殺鳴犢作史記孔子既不用於

衛將西見趙簡子至於河西聞竇鳴犢舜華之死也臨河而歎曰美哉水洋洋乎丘之不濟此命也夫嗣立補

注琴操引孔叢子趙使聘夫子夫子聞鳴犢與竇牛之見殺也回輿而旋為操曰將歸詞曰翱翔于衛復我舊

居從吾所好  
其樂只且

狄蜀本之水兮其色幽幽

朱云水經河水至東阿在平等縣東北流四瀆津注云津西有四瀆祠東對四瀆口

河水東分濟水受河蓋滎口水斷不通始自是出與清水合沛瀆自河入濟水徑周通故有四瀆之名昔趙殺鳴犢孔子臨河歎而作歌曰狄之水兮風揚波舟楫顛倒更相加歸來歸來胡為斯按臨濟故狄也是濟所逕得其通稱也又云濟水逕臨濟縣南詳此則是濟水自滎澤之下潛流至此四瀆津口而後復出河又東分一支與之合流以過臨濟而為狄水故孔子臨河不濟而歌詠狄水即此東分之河復出之濟也然此皆齊地今在濟鄆之間史記以為孔子自衛將西見趙簡子則其道不當出此此又不  
可曉者今姑闕之以俟深於地理者正焉  
我將濟兮不得其由涉

其淺兮石齧我足乘其深兮龍入我舟我濟而悔兮

將安歸尤歸兮一作歸兮無與石鬪兮無應龍求

猗蘭操 孔子傷不逢時作

琴操孔子歷聘諸侯諸侯莫能任自

衛反魯隱谷之中見香蘭獨茂喟然歎曰夫蘭當為王者香今乃獨茂與眾草為伍乃止車援琴鼓之自傷不逢時託辭於香蘭云習習谷風以陰以雨之子于歸遠送于野何彼蒼天不得其所逍遙九州無有定處世人

閻蔽不知賢者年紀逝邁一身將老

蘭之猗猗

班固西都賦蘭茝發色晔晔猗猗

揚揚其香不採而佩於蘭何

傷

云文子蘭芷不為莫服而不芳君子行道不為莫知而止此公所謂不採而佩於蘭何傷之意也

今天之旋其曷

為然我行四方以日以年雪霜貿貿

音茂禮記貿貿然來薺麥之

茂

淮南子麥秋金玉而生薺冬水玉而生西京雜記建亥之月陰氣之極薺麥始生由陽升也

子如不傷我不爾

覲薺麥之茂薺麥之有君子之傷君子之守

龜山操 孔子以季桓子受齊女樂諫不

從望龜山而作

王伯大音釋云龜山在泰山博縣北史記季氏受齊女樂三日不聽

政郊又不致燔俎於大夫孔子時為魯大司寇遂行宿於屯而師已送曰夫子則非罪孔子曰吾歌可夫曰彼婦之口可以出走彼婦之謁可以死敗蓋優哉游哉維以卒歲師已反季子曰孔子亦何言師已以實告季氏喟然歎曰夫子罪我以羣婢也嗣立補注琴操季桓子受齊女樂孔子欲諫不得退而望魯龜山作此曲以喻

秀野州堂

季氏若龜山之蔽魯也詞曰予欲望魯兮龜山蔽之手無斧柯奈龜山何

龜之氛一作氣兮不能一有雲一作雨雨漢班固敘傳三耕記山林川谷丘陵能出雲為風

雨見怪物皆曰神龜之枿牙葛切亦作藥兮漢班固敘傳三耕之起本根既朽不中去聲梁柱龜

之大兮祗以奄魯知一作如將墮許規切兮杜預左傳注墮毀也墮與隳同哀莫

余伍周公有鬼兮嗟余歸輔

越裳操 周公作王云越裳在交趾國之南韓詩外傳周成王之時越裳氏重九譯而至獻白雉於周公曰吾受命國之黃髮言曰久矣天不迅雷疾雨也海不波溢三年于茲矣意者中國有聖人乎盍往朝之於是乃來嗣立補注古今樂錄越裳獻白雉周公作歌遂傳之為越裳操詞曰於戲嗟嗟非旦之力乃文王之德

雨之施物以孳一作滋我何意於彼為自周之先其艱其勤以有疆宇私我後人我祖在上四方在下厥臨孔

威敢戲以侮孰荒于門孰治于田四海既均越裳是

臣

拘幽操 文王姜音里作漢地理志河內蕩陰縣有姜里城史記周文王篤仁敬老禮下賢者崇侯虎譖之於紂曰將不利於帝紂囚文王姜里嗣立補注琴操文王脩德百姓親附崇侯虎疾之譖於紂曰西伯昌聖人也長子發中子旦皆聖人也三聖合謀君其慮之乃囚文王于姜里將殺之于是文王四臣散宜生之徒得美女大貝白馬朱鬣以獻于紂紂遂出西伯文王在姜里演易八卦以為六十四作鬱厄之辭曰困于石據于蒺藜乃申憤而作歌云殷道溷溷浸濁煩兮朱紫相合不別分兮迷亂聲色信讒言兮炎炎之虐使我愆兮幽閉牢

目窈窕一作窈揜揜或作目揜揜兮其凝其盲耳肅肅兮聽不聞聲朝

不一有見字日出兮夜不見月與星楚辭南指月與列星有知無知兮為

死為生嗚呼臣罪當誅兮天王聖明史記藺相如傳臣知欺大王之罪當誅程伊川

曰退之作琴操有曰臣罪當誅兮天王聖明道文王意中事前後之人道不到此徐仲車言退之拘幽操謂文王囚羑里作乃云臣罪當誅兮天王聖明可謂知文王之用心矣凱風七子之母猶不能安其室而云母氏聖善我無令人重自責也

岐山操 周公為大王作 祝云岐山在岐州今有岐山縣詩居岐之陽大

王古公亶父也詳見孟子

我家于豳 漢書公劉邑豳師古曰即今之邠州是其地也 自我先公伊我承序 一作緒嗣

立按方云商書丕承基緒朱云漢書朕承天序緒序意似兩通 敢有不同今狄之人將土我疆

民為我戰誰使死傷彼岐有咀 與阻同 我往獨處爾 一作人 莫

余追無思我悲

履霜操 尹吉甫子伯奇無罪為後母譖

而見逐自傷作 嗣立補注琴操伯奇見逐乃集芟荷以為衣採葶花以為食晨朝履

霜自傷見放于是援琴鼓之而作此操曲終投河而死詞曰朝履霜兮採晨寒考不明其心兮信讒言孤恩別

離兮摧肺肝何辜皇天兮遭斯愆痛歿不同兮恩有偏誰說顧兮知此冤

父兮兒寒母兮兒飢兒罪當咎 漢書車千秋訟太子冤曰子弄父兵罪當咎 逐兒

何為兒在中野以處四無人聲誰與兒語兒寒

何衣兒飢何食兒行于野履霜以足母生眾兒有母

憐之獨無母憐兒寧不悲

雉朝飛操 牧犢 一作沐瀆 子七十無妻見雉雙

飛感之而作 吳兢樂府古題要解舊說齊宣王時沐犢子年七十無妻出新於野見雉雌雄

相隨意動心怨乃仰天歎曰聖王在上恩及草木鳥獸而我獨不獲因援琴而歌以自傷其聲中絕魏武帝宮

人有盧女者七歲入漢宮學鼓琴能傳此曲崔豹古今注述其詞曰雉朝飛兮鳴相和雌雄羣遊兮山阿我獨

何命兮未有家時將暮兮可奈何嗟嗟暮兮可奈何

雉之飛于朝日羣雌孤雄意氣 一無氣字 橫出當東而西當

啄而飛隨飛隨啄羣雌粥粥當作粥說文粥粥呼雞重言之杜子美詩難話粥雞翁嗟我

雖人曾不如彼雉雞生身七十年無一妾與妃馮大年云別本

彼作此無雞字而下語妃音媿與雉協

別鵠操 商陵穆子娶妻五年無子父母

欲其改娶其妻聞之中夜悲嘯穆子感

之而作崔豹古今注商陵牧子娶妻五年而無子父兄欲其改娶妻聞之中夜起倚戶而悲嘯牧子聞

之愴然而悲乃援琴而歌為別鵠操亦曰別鵠操詞曰將乖比翼隔天端山川悠遠路漫漫攬衾不寐食忘餐

後還為夫妻

雄鵠銜枝來雌鵠啄泥歸巢成不生子大義當乖離

江漢水之大鵠身鳥之微更無相逢日且可繞樹相

隨飛方云李陵詩長當為此別且復立斯須又估樂府與子如黃鵠將別復徘徊亦此意也

殘形操 曾一作魯子夢見一狸不見其首作

有獸維狸兮我夢得之其身孔明兮而頭不知云按大周正

樂記曾子鼓琴崔子立戶外而聽之曲終入曰善哉鼓琴乎身已成矣而惜未得其首也曾子曰吾晝臥夢見一狸但見其身不見其頭起而為之絃歌也

吉凶何為兮覺坐而思巫咸上天兮離騷巫咸將夕降兮懷椒糈而要之注巫咸古

神巫也張衡思立賦拜巫咸使占夢兮乃貞吉之元符識者其誰

南山詩一無詩字原注凡百有二韻

嗣立補注杜氏通典長安縣南有終南山在武功縣東一名南山元和郡國志終南山在京北府萬年縣南五十里

吾聞京城南茲維羣山圍東西兩際海史記春申君上秦昭王書王之地一

經兩巨細難悉究山經及地志茫昧非受授團辭試提

挈挂一念萬漏欲休諒不能粗敘所經觀嘗一作常昇崇

丘望戢戢見相湊晴明出稜魯登切角縷脉碎分繡蒸

嵐相頹胡孔切洞方云淮南子濛濛洞王褒蕭賦揚雄羽獵賦所用皆一作鴻同唐人始兼用之杜詩鴻洞半炎方瀕洞不可擬是也

表裏忽通透無風自飄簸音播融液煦柔茂橫雲時平

凝點點露數岫天空一作宇浮脩眉濃綠畫新就選洛神賦脩眉聯娟

注脩長也西京雜記文君姣好眉色如望遠山飛燕外傳趙飛燕妹名合德為薄眉號遠山黛孤撐有巉仕檻仕絕杜

美詩巉絕華岳赤劉孝標廣絕交論太行孟門豈云巉絕海浴褰鵬喙音書史記中行人面鳥喙

南山大概春陽潛沮子魚音如又一音皆去聲詩濯濯吐深一作深吐秀巖

巒雖律音律萃昨沒切又慈郵切史記隆崇律萃杜子美詩高岳前律萃軟與軟同弱類含耐音宙

夏炎百木盛蔭鬱增埋覆神靈日歆音休居雲氣爭

結構秋霜喜刻轢音曆或作鑠史記酷吏傳刻轢宗室磔音窄卓立癯瘦參差

相疊重剛耿陵宇宙冬行雖幽墨冰雪一作路工琢鏤新

曦照危一作危峨億丈恒居鄧切高表莫侯切說文東西曰廣南明

昏無停態頃刻異狀候蔡云已上敘四時變態西南雄太白嗣立補注三秦記太白山

在武功縣南去長安三百里俗云武功太白去天三百突起莫閒造初救切左傳昭公十一年僖子使助遠氏之造杜預曰造副倅

也藩都配德運王云太白山為帝都藩垣唐土德太白在西南坤位故云配德運分宅占丁戊丁戊云

亦謂西南逍遙越坤一作地位詆訐陷乾竇孫云太白非特占西南坤位而巳又侵及東北乾位故云陷乾

也空虛寒兢兢風氣較搜漱朱維方燒日陰霰縱騰

糝如救切昆明大池北孫云昆明池在長安西南周四十里詳見卷七曲江荷花行注去覲偶晴晝

絲聯窮俯視倒側困清漚烏候切微瀾動水面踊躍躁一作躁

猱奴刀切狢音袖詩無教猱升木楚辭猱狢雜處兮虎豹嗥驚呼惜破碎仰喜呀不仆蔡云已上

言南山方隅連亘之所前尋徑一作經杜墅史記夜徑澤中孫云杜墅即杜陵也本周之杜伯國在長安萬年縣東南全蒲悶

切一作忿蔽畢原陋後漢書益氣全涌嗣立補注史記注括地志文崎音嶠

音區上軒昂始得觀覽富行行將遂窮古詩行行重行行嶺陸煩

秀野艸堂

互走音奏勃然思圻裂擁掩難恕宥巨靈與夸苦瓜蛾京西

賦巨靈員肩高掌遠蹠郭緣生述征記華山對河東首陽山黃河流于二山之間古語云此本一山當河河水過之而曲行河神巨靈以手擘開其上以足蹈其下中分為兩以通河流列子北山愚公欲平太行王屋二山帝感其誠遠命夸蛾氏二子負二山一厝朔東一厝雍南自冀之南漢之東無隴斷焉

賈音古一作音古期必售詩費用不售嗣立按劉石齡云左傳成公二年欲勇者賈余餘勇還疑造物意固

護蓄精祐力雖能排幹烏括切雷電怯呵詬攀緣脫手足

躡七鄧切蹬音鄧抵積瓲側救切選海賦躡躡登窮波易井瓲无咎茫如試矯首埒音福塞

生恂愁音寇茂集韻通作敷霜楚辭直恂愁而自若威容喪蕭爽近新迷遠舊拘

官計日月欲進不可又因緣窺其湫音秋王云南山有炭谷湫凝湛閱

陰罟音嗅一作畜或作獸樊云禮運龍以為罟謂湫中蛟也秋懷詩云其下澄湫水有蛟寒可罟即此也魚蝦可俯掇

神物安敢寇林柯有脫葉欲墮鳥驚救樊云其湫如鏡面葉落恐其汙即鳥銜去蓋其神物之靈如此公題炭谷湫祠堂所謂魚鼈蒙擁護者此也爭銜彎環飛嗣立按劉石齡云杜子美詩黑如灣深底玉篇

深聚流也投棄急哺音寇爾雅生哺敷邢昺曰鳥子生須母哺而食名敷旋歸道迴睨音詣達

一作遠枿壯復奏盧全月蝕詩頭戴弁冠高達枿吁嗟信奇怪峙質能化質前

年遭譴謫王云謂貞元十九年十二月自監察御史謫連州陽山令探歷得邂逅初從藍田

入王云藍田縣名今在雍州有關顧盼勞頸脰音豆公羊傳絕其脰時天晦大雪云公兩謫南

方皆由藍關又皆遇冰雪其謫陽山以十二月江陵途中寄三學士詩云商山季冬月冰凍絕行軸其謫潮州雖以正月然亦遇雪藍田驛詩云雪擁藍關馬不前淚目苦矇矓音茂莊子子適有矓病注風眩冒亂峻塗拖長冰直上若懸

溜褰衣步推音推馬顛蹶退且復扶富切蒼黃忘遐晷所矚

纔左右杉篁咤音咤蒲蘇呆耀攢介胄專心憶平道脫

險逾避臭呂氏春秋人有臭者其兄弟妻子皆莫能與居昨來逢清霽宿願忻始

副崢音張嶻音宏躋冢頂楚辭下崢嶻而無地倏閃雜鼪音鼪音又爾雅鼪鼠夷

鼪鼠注俗呼鼠狼前低劃音畫又忽麥切開闊爛漫堆衆皴方以蜀人韓仲韶本作皴云石墓也二韻皆取喻謂

秀野艸堂

高而羣峰飛馳如鼉鼉之奔低而堆阜分布如衆敵之列於義為近朱云此蜀本之誤沈元用本亦然皆非是蓋此但言登山之時叢薄蔽翳方與蟲獸群行而忽至上頂則豁然見前山之低雖有高陵深谷但如敵物微有蹙摺之文耳此最為善形容者非登高山臨曠野不知此語之為工也况此句衆敵為下文諸或之綱領而諸或乃衆敵之條目其語意接連文勢開闔有不可以豪釐差者若如方說則不唯失其統紀亂其行列而鼉鼉動物山體常靜絕無相似之理石墓之與堆阜雖略相似然自高頂下視猶若成堆則亦不為甚小而未足見南山之極高矣其與下文諸或疎密工拙又有迴然不侔者未論古人但使今時舉子稍能布置者已不為此又况韓子文氣筆力之盛關鍵紀律之嚴乎大抵今人於公之文知其力去陳言之為工而不知其文從字順之為貴故其好怪失常類多如此今既定從諸本而復備論其說以曉觀者云

妥若弭伏或竦若驚雉或散若瓦解或赴若輻湊史記

天下之患在于土崩不在瓦解又云四海輻湊或翩一作泛若船遊或決若馬驟或背若

相惡或向若相佑或亂若抽筍或噪音臬若注灸音疚或

錯若繪畫或繚力少切若篆籀或羅若星離或翁若雲逗

或浮若波濤或碎若鋤耨或如賁音奔育倫王云孟賁夏育揚子注皆衛人

或云秦之勇士賭勝勇前購先強勢已出後鈍嗔誼音鬪譎音耨玉篇誼譎

詁說也詁說言不正也或如帝王尊叢集朝賤幼雖親不褻狎雖遠

不悖謬晁說之語錄云韓文公詩號狀體謂鋪敘而無含蓄也若雖親不褻狎雖遠不悖謬該於理多矣或如臨食

案肴核紛一作分飮丁定切餽音豆又如遊九原墳墓包椁柩或

纍若盆甕或揭若甄桓一作登豆爾雅木豆謂之豆瓦豆謂之登或覆若曝鼈或

頽若寢一作偃獸或蜿若藏龍楚辭駕八龍之蜿蜿或翼若搏鷲音就山

山多鷲黑或齊若友朋或隨若先後方言先後猶娣姒也釋名

色多力或迸若流落或顧若宿音留留音雷史記宿留之數日無所見又武

見神於先後宛若即謂娣姒也或戾若仇讎或密若婚媾或儼若峩冠或翻若

帝宿留海上或戾若仇讎或密若婚媾或儼若峩冠或翻若

舞一作舉袖或屹魚乞切若戰陣或圍若蒐狩或靡然東注或

偃然北首去聲或如火熺焰一作煙或若氣饋音分又饋音溜爾雅饋饋

稔也注餐飯為饋饋熟為餽

或行而不輟或遺而不收

音狩易井收勿幕

或斜而

不倚或弛而不彀或赤若禿鬣

丘開切說文鬣鬣禿也

或燠若柴樵

余救

或如龜坼兆或若卦分繇

音宙

或前橫若剥

易剥坤下艮上象

曰剥

或後斷若姤

易垢三巽下乾上彖曰姤遇也○嗣立按長洲俞場犀月云用或字疊寫似從北山詩化出奇縱至矣

延

延離又屬夫夫叛還溝

易君子夫夫遇雨若濡

喁喁

音顯

魚闖

丑林禁切

補注漢書喁喁然師古曰眾口向上也公羊傳注何休曰闖出頭貌

落落月經宿閭閭樹牆垣

選長門賦

桂樹交而相紛兮芳酷烈之間閭

嘯嘯架庫殿

姚令威云恐當作轆轤魏都賦飛檐轆轤善曰高貌

參參削劍

戟煥煥銜瑩

音營

琇

音秀詩充耳琇瑩注美石也

敷敷花披萼

嗣立補注鄭玄毛詩箋承華者

萼也

闐闐

音翕一作闐闐

屋摧雷

嗣立補注許慎說文雷屋水流也悠悠舒而安兀兀

狂以狃超超出猶奔蠢蠢駭不懋

蔡云已上並敘其經歷所見之狀

大哉

立天地經紀肖營媵

音轆

厥初孰開張儷俛誰勸侑創

茲朴而巧戮力忍勞疲得非施斧斤無乃假詛呪鴻

荒竟無一作誰傳功大莫

一作豈酬儗

即就切前漢書莫不償其儗費

嘗聞於祠

官芬苾降歆嗅

許救切當作歆

斐然作歌詩惟用贊報酌音又

潛溪詩眼云孫莘老嘗謂老杜北征勝退之南山詩王平甫以謂南山勝北征終不能相服時山谷尚少乃曰若論工巧則北征不及南山若書一代之事以與國風雅頌相為表裏則北征不可無而南山雖不作未害也二公之論遂定洪興祖云此詩似上林子虛賦才力小者不可到也嗣立按此等長篇亦從騷賦化出然却與焦仲卿妻杜陵北征諸長篇不同者彼則寔敘事情此則虛摹物狀公以畫家之筆寫得南山靈異縹緲光怪陸離中間連用五十一或字復用十四疊字正如駿馬下岡手中脫轡忽用大哉立天地數語作收又如柝聲忽驚萬籟皆寂

### 謝自然詩

嗣立補注集仙錄謝自然居果州南充縣年十四修道不食築室于金泉山貞元十年十一月二十日辰時白

日升天士女數千人咸共瞻仰須臾五色雲遮亘一川天樂異香散漫刺史李堅表聞詔褒美之按公排斥佛老是生平得力處此篇全以議論作詩詞嚴義正明目張膽原道佛骨表之亞也

果州南充縣寒女謝自然童駃語駃切無所識王云駃但聞

有神仙輕生學其術乃在金泉山繁華榮慕絕父母

慈愛捐凝心感魑抽知切魅明祕切慌音愧惚呼骨切難具言一朝

坐空室雲霧生其間如聆笙竽韻來自冥冥天白日

變幽晦蕭蕭風景寒簷楹暫一作氣明滅五色光屬聯觀

者徒傾駭躑直炙切躅厨玉切詎敢前楚辭王逸九思疾世章待天明

躑躅不敢言須臾自輕舉飄若風中煙茫茫八紘音大淮南子

外有八紘八紘之外有八紘列影響無由緣里胥上其事郡守

驚且歎一作觀驅車領官吏眩俗爭相先入門無所見

冠屨同蛻音稅蟬楚辭濟江海兮蛻蟬夏侯孝若東方朔畫像登蟬蛻龍變棄俗登仙皆云神仙事

灼灼信可傳余聞古夏后象物知神姦山林民一作人可

入魍魎莫逢旃左傳宣公三年王孫滿曰昔夏之方有德也鑄鼎象物

西京賦魍魎魍魎莫能逢逶迤不復振後世恣欺謾幽明紛

雜亂人鬼更相殘秦皇雖篤好漢武洪其源自從二

主來此禍竟連連莊子駢拇篇又奚木石生怪變國語木石

魍狐狸騁妖患莫能盡一作保性命安得更長延嵇叔夜養生

理以盡人生處萬類知識最為賢奈何不自信反欲從

物遷書君陳惟民生往者不可悔孤鳧抱深冤來者猶可

誠余言豈空一作虛文人生有常理男女各有倫寒衣及

飢食在紡一作蠶績耕耘下以保子孫上以奉君親苟異

於此道皆為棄其身噫乎彼寒女永託異物羣感傷

遂成詩一作詠昧者宜書紳

### 秋懷詩十一首

樊云秋懷詩十一首文選詩體也唐人最重文選學公以六經之文為諸儒倡文選弗論也獨於李荆墓誌之曰能暗記論語尚書毛詩左氏文選而公詩如自許連城價倚砌看紅藥眼穿長訝雙魚斷之句皆取諸文選故此詩往

往有其體

窗前兩好樹眾葉光疑疑音擬詩黍稷疑疑秋風一披拂策策

鳴不已微燈照空牀夜半偏入耳愁憂無端來感歎

成坐起天明視顏色與故不相似義和驅日月一作白日廣雅

軌胡為浪自苦得酒且歡喜

白露下百草蕭蘭共雕一作憔悴荀子勞苦凋悴青青四牆下已

復生滿地寒蟬暫寂寞蟋蟀鳴自恣運行無窮期稟

受氣苦異適時各得所松柏不必貴

彼時何卒卒蒼沒切前漢司馬相如傳卒卒無須我志何曼曼音萬

犀首空好飲史記犀首者魏人也名衍姓公孫氏司馬彪曰犀首魏官名又楚使陳軫使秦過梁見犀首曰公何好飲也曰無事也

廉頗尚能飯史記廉頗趙將以讒奔魏其後趙王使使者視頗尚可用否頗為之一飯斗米肉十斤被甲上馬以示可用使者還

報曰廉將軍雖老尚善飯學堂日無事驅馬適所願茫茫出門路欲去

聊自勸一作歸還閱書史簡書文字浩千萬陳一作塵跡竟誰

難一作尋莊子六經者先王之陳跡賤嗜非貴獻丈夫意有在一作存女子乃多

怨

秋氣日惻惻秋空日凌凌上無枝上蜩音條詩五月鳴蜩下無

盤中蠅豈不感時節耳目去一作無所憎清曉卷書坐南

山見高稜其下澄一作通或作石秋水有蛟寒可冒音曾惜

哉不得往豈謂吾無能

離離掛空悲感感抱虛警

嗣立按顧炎武寧人云陸士衡歎逝賦節循虛而警立

露泫秋

樹高

謝靈運詩花上露猶泫謝惠連詩泫泫露盈條王僧達詩秋還露泫柯

蟲弔寒夜永斂退就新

懦趨營悼前猛歸愚

一作儒

識夷塗汲古得脩綆

音梗莊子至樂篇綆

短者不可以汲深注綆汲索也

名浮猶有恥味薄真自幸庶幾遺悔尤即

此是幽屏

必郢切吳都賦雜插幽屏李善曰謂生處也葛立方曰此則陶潛歸去來辭覺今是昔非之意似有所悟也

今晨不成起端坐盡日景蟲鳴室幽幽月吐

一作照

牕囧

囧

選江文通詩囧囧秋月明

喪懷若迷方

列子秦人逢氏子有迷罔之疾天地四方寒暑無不倒錯者

浮念

劇含梗塵埃慵伺候文字浪馳騁尚須勉其頑王事

有朝請

前漢書吳王濞使人為秋請孟康曰律春曰朝秋曰請

秋夜不可晨秋日苦易暗我無汲汲志何以有此憾

寒雞空在樓缺月煩屢瞰

苦濫切

有琴具徽絃再鼓聽愈

淡古聲久埋滅無由見真濫

禮記古樂和正以廣新樂姦聲以濫

低心逐時

趨苦勉祇能暫有如乘風船一縱不可纜不如覩

七慮切

文字丹鉛事點勘

任彦昇范始興碑表人蓄油素家懷鉛筆注粉筆也王克論衡揚雄采集異國殊語常把三十弱翰

齋油素四尺以問其異語以鉛摘之於槩

豈必求贏餘所要石與甌

都濫切列子狀若甌甄嗣立補注漢

崩通傳守儋石之祿應劭曰齊人名小甌為儋受三斛晉灼曰石斗石也揚雄傳家無儋石之儲儋與甌通

卷卷落地葉隨風走前軒鳴聲若有意顛倒相追奔

空堂黃昏暮我坐默不言童子自外至吹燈當我前

問我我不應饋我我不餐退坐一作下西壁下讀詩盡數

編作者非今士相去時已千其言有感觸使我復悽

酸顧謂汝童子置書且安眠丈夫一作人屬有念事業無

窮年

霜風侵梧桐眾葉著樹乾空階一片下瑋一作瑋若摧琅

音干音謂是夜氣滅望舒實于敏切其團淮南子月御曰望舒離騷前望舒使先驅公羊

夜中星實如雨張景陽詩望舒四五圓蔡云聞葉聲瑋然誤謂望舒之實其團也青冥無依倚飛轍危難安

驚起出戶視倚楹久沈音瀾憂愁費晷

景日月如跳丸云莊子東西跳梁杜牧之詩日月兩跳丸取此意也迷復不計一作記遠為

君駐塵鞍

暮暗來客去羣蹠各收聲悠悠偃宵寂疊疊抱秋明

漢書兒生疊疊世累忽進一作連慮外憂遂侵誠強懷張不滿弱念

缺已一作易盈詰屈避語寔冥茫觸心兵敗虞千金弃莊子

林回弃千金之璧負赤子而趨或曰為其布與赤子之布寡矣為其累與赤子之累多矣弃千金之璧負赤子而趨何也林回曰彼以利合此以天屬也夫以

利合者迫窮禍患害相弃也以天屬者迫窮禍患害相收也得比寸草榮知恥足為勇晏然

誰一作惟汝令

鮮鮮霜中菊既晚何用好揚揚一作陽弄芳蝶爾生還不

早王云東坡詩云勿訝昌黎公恨爾生不早謂此語也運窮兩值遇婉變力充切死相保詩

風婉兮變兮注婉少貌變好貌西風蟄龍蛇眾木日凋槁由來命分爾泯

滅豈足道

赴江陵途中寄贈王二十補闕李十一拾遺

李二十六員外翰林三學士一作寄三學士題下注王二十補闕李十一拾

遺李二十六員外蜀本無翰林字

方云三學士王涯李建李程也舊唐書愈轉監察御史德宗晚年宮市之弊愈嘗上章數千言極論之不聽怒貶為連州陽山令量移江陵府掾曹新書愈上疏極論宮市德宗怒貶陽山令洪云貞元十九年公自博士拜

監察御史是時有詔以旱饑蠲租之半有司徵愈急公與張署李方叔上疏言關中天下根本民急如是請寬民徭而免田租天子惻然卒為幸臣所讒貶連州陽山令幸臣李實也舊書云云疏今不傳則公之被絀坐論此兩事也方云公陽山之貶寄三學士詩敘述其詳而行狀但云為幸臣所惡出宰陽山神道碑亦只云因疏關中旱饑專政者惡之則其非為論官市明矣然行狀且謂為幸臣所惡而公詩云或自疑上疏上疏豈其由則是又未必皆上疏之罪也又曰同官盡才俊偏善柳與劉或慮語言泄傳之落冤讎又岳陽樓詩云前年出官由此禍最無妄姦猜畏彈射斥逐恣欺誑是蓋為王叔文韋執誼等所排矣憶昨行云佻文未揃崖州熾雖得赦宥常愁猜是其為叔文等所排豈不明甚特無所歸咎駕其罪於上疏耳

孤臣昔放逐血泣

一作泣血或作血泣

追愆尤汗

音捍

漫不省識

音南

子徙倚于汗漫之字注汗漫無生形又曰吾恍

恍音晃

如乘桴浮或自疑

一作當

上疏上疏豈其由是年京師旱田畝少所收上

憐民無食征

一作兵

賦半已休有司恤經費未免煩徵求

富者既云急貧者固已流傳聞閭里間赤子弃渠溝

持男易斗粟掉

徒弔切

臂莫肯酬

史記馮驩曰朝趨市者平旦側肩爭門而入日暮之後掉臂不顧所

期物忘其中

我時出衢路餓者何其

一作為

稠親逢道邊死

杭蜀作道死者

朱云古人謂尸為死左傳生拘石乞而問白公之死漢書何處求子死且古語又有直如弦死道邊之說韓公蓋兼用之

佇立

一作停馬

吟嘍歸舍不能食有如魚中

去聲一作掛或作出

鉤適會除

御史誠當得言秋拜疏移閣門為忠寧自謀上陳人

疾苦無令絕其喉

一作猴

下陳

一作言

畿甸內根本理宜優

積雪驗豐熟幸寬待蠶麤天子惻然感司空歎綢

直留切

繆

莫彪切唐書貞元十九年三月杜佑檢校司空同中書門下平章事詩綢繆束薪注猶纏縣也

謂言即施設乃反

一作返

遷炎州

一作洲

同官盡才俊偏善柳與劉

嗣立補注舊唐書柳宗元字子厚河

東人登進士第貞元十九年為監察御史又劉禹錫字夢得彭城人貞元九年擢進士第為監察御史王叔文用事引禹錫及宗元入禁中與之圖議喜怒凌

人道路以目按公本集永貞行亦云吾嘗同僚情可勝是時公與劉柳同為監察御史也

或慮語言洩傳之落

冤讎二子不宐爾將疑斷還不祝云不者未定之辭漢書知捕兒不中使臨

門遣頃刻不得留病妹一作妹卧牀褥分知隔明幽悲啼

乞就別百請不領戶感切頭嗣立補注左傳逆于門者領之而已弱妻抱稚子出拜

忘慙羞僂俛不迴顧行行詣連州朝為青雲士暮作

白首囚商山季冬月冰凍絕行轉春風洞庭浪出沒

驚孤舟逾嶺到所任低顏奉君侯酸寒何足道隨事

生瘡疣遠地觸途異吏民似猿猴生瘡屋耕切多一作知忿很

下墾切李賀猛虎行乳孫哺子教得生瘡王云瘡惡犬也

辭舌紛嘲陟交切啁張留切白日屋簷下雙

鳴鬪鵠虛尤切鵠力求切嶺表錄異鵠鵠即鵠也又曰訓鵠有蛇類兩首有蠱一作蟲羣

飛游鮑明遠詩吹蠱病行暉李善曰吹蠱飛蠱也窮冬或搖扇盛夏或重裘颺音具

起最可畏嶺南錄異嶺嶠夏秋雄風曰颺發日午至夜半止訇音轟哮虛交切歛陵丘雷霆

助光怪氣象難比侔癘疫忽潛遘十家無一瘳猜嫌

動置毒對案輒懷愁前日遇恩赦云貞元二十一年正月乙巳順宗即位二月甲子果然又

大赦天下公量移江陵掾私心喜還憂云公集憶昨行云任文未揃崖州熾雖得赦宥常愁猜意與此類

羈繫不得歸耒耜此府雄且大騰凌盡戈矛棲棲法

曹椽何處事卑陬生平企仁義所學皆孔周早知大

理官不列三后儔嗣立補注後漢楊賜傳賜拜尚書令數日出為廷尉自以代非法家言曰三后成功惟殺于民阜陶

不與焉蓋各之也何況親犴獄詩宜岸宜獄岸與犴同敲撈音彭發姦偷嗣立補注漢項籍傳

執敲朴以鞭笞天下東方朔傳願令朝復射胡不中臣撈百師古曰撈擊也懸知失事勢恐自罹罟音嗟罟

音浮禮記田獵置罟羅網畢罟嗣立補注杜子美詩首路栗亭西湘水清且急涼風日脩脩胡為首音狩歸路

旅泊尚夷猶昨者一作日京師至嗣皇傳冤旒秀野州堂

孫云貞元二十一年八月順宗內禪憲宗即位也赫然下明詔首罪誅共受古文兜字書舜

州放驩兜于崇山云謂憲宗貶王復聞顛天輩嗣立補注書君奭有若

當時杜黃裳鄭餘慶之徒為相峨冠進鴻疇班行再肅穆璜珮鳴琅璆音求

貢惟璆琳琅玕嗣立按劉石齡云三禮圖佇繼貞觀烈嗣立補注唐書

凡玉珮有雙璜璜中橫衝牙以倉珠為之音年嗣立案劉石齡云漢刑法三賢推侍

年正月乙酉改元志冠曹帶劍師古曰曹兜璆也邊封脫兜璆

從云三賢即卓犖呂角切傾枚鄒選左太冲詩卓犖觀羣書善曰猶

枚叟注鄒高議參造化清文煥皇猷協心輔齊聖政理

同毛輶云理治也唐人避高宗諱小雅詠鳴鹿食苹貴呦

呦詩呦呦鹿鳴遺風邈不嗣豈憶嘗一作同凋與疇同詩抱衾與

失志早衰換前期擬蜉蝣嗣立補注詩蜉蝣之羽埤雅蜉蝣朝自

從齒牙缺始慕舌為柔淮南子老子學商容見舌而知柔注云商

常擬有疾老子往問焉張其口而示老子曰吾舌存乎老子曰然吾齒存乎老子曰亡子知之乎老子曰舌之存也豈非以其柔乎夫齒之亡也豈非以其剛乎曰嘻因疾鼻又塞漸能等薰蕕左傳僖四年一薰一深思罷

是已猶十年尚猶有臭官去畢命依松楸空懷焉能果但見歲已道殷湯閔

禽獸解網祝蛛蝥賈誼新書湯見設網者四面乃去其三面祝曰蛛

曰德及禽獸雷煥掘寶劍冤氛一作銷斗牛晉書吳之未滅也斗牛

雷煥為豐城令使尋之煥至縣掘獄屋基入地四尺餘得一石函茲道誠可

尚誰能借前籌嗣立補注漢張良傳殷勤謝吾一作友明月

非暗投鄒陽書明月之珠夜光之璧以暗投人於道衆莫不按劍相眇者無因而至前也

暮行河堤上

暮行河堤上四顧不見人衰草際黃雲感歎愁我神

夜歸孤舟臥展轉空及晨謀計竟何就嗟嗟世與身

夜歌

靜夜有清光閑堂仍獨息念身幸無恨志氣方自得  
樂哉何所憂所憂非我力一作可悲

重雲一首李觀疾贈之

嗣立補注唐書李觀字元賓貞元中舉進士授太子校書郎卒墓誌觀二十四舉進士年二十九客死于京師按德清胡渭肫明云新書五行志貞元十年春雨至閏四月間止不過一二日贈詩蓋此時觀即于是年卒也

天行失其一作令失度陰氣來干陽重雲閉白日炎燠成寒

凉小人但咨怨嗣立補注書小民惟曰怨咨君子惟憂傷嗣立補注詩憂心且傷飲食

為減少身體豈寧康此志誠足貴懼非職一作識所當張衡

同聲歌賤妾職所當藜羹尚如此莊子藜羹不糝肉食安可嘗左傳莊公十年肉食者鄙未能遠謀

窮冬百草死幽桂乃芬芳且况天地間大運自有常

勸君善飲食鸞鳳本高翔

江漢一首答孟郊

嗣立補注唐書孟郊字東野湖州武康人少隱嵩山性介少諧合愈一見為忘形交郊為詩有理致最為愈所稱云

江漢雖云廣乘舟渡無艱一作難流沙信難行馬足常往

還淒風結衝波狐裘能禦寒終宵處幽室華燭光爛

爛一作炎炎方云楚辭爛字叶平聲九章曾枝剌棘圓果搏兮青黃雜揉文章爛兮苟能行一作存忠信可以

居夷蠻嗟余與夫子此義每所敦何為復見贈音遣

綖音遠在不諼音喧詩以謹繾綖

長安交遊者一首贈孟郊

長安交遊者貧富各有徒親朋相過一作遇時亦各有以

娛一作亦有以歡娛陋室有文史高門有笙箏何能辨榮悴且

欲分賢愚

### 岐山下一首

方云自日暮邊火驚以上為第一篇世有灌畦暇語一書謂子齊初應舉韓公賞之為作丹穴五色羽子齊姓程字昔範嘗著中暮三卷見因話錄則下詩似當為別篇第前詩題以岐山下此必遊鳳翔日作然四語亦不成篇此詩載之卷末疑有脫誤嗣立按俞場云此詩不必作二首庚陽二韻古原通叶也

誰謂我有耳不聞鳳皇鳴去竭丘傑切又來岐山下王逸楚辭注云

胡詩竭來空復解日暮邊鴻一作火驚丹穴五色羽其名為鳳

皇山海經丹穴之山有鳥狀如鶴五色而文名曰鳳是鳥也見則天下大安寧昔周有盛德此鳥鳴高

岡詩卷阿鳳凰鳴矣于彼高岡和聲隨祥風宵鳥皎切窈徒了切相飄揚聞

者亦何事但知時俗康自從公一作姬旦死千載閱其光

云即杜子美鳳皇臺詩所謂西伯今寂莫鳳聲亦悠悠也吾君亦勤理遲音禪爾一來翔嗣立

補注後漢帝紀朕思遲直士側席異聞注遲猶希望也謝靈運詩臨江遲來客

### 昌黎先生詩集注卷第一

國

